



Tercer dia di Januari, tur Dande a wordo tocá, tur pagara a wordo tirá, un temporada di fiesta nobo ta bai cuminzá, pero no cualkier temporada, ni cualkier fiesta, esaki ta e fiesta di mas importante di Aruba, nada mas y nada menos cu Carnaval 97. Oficialmente el a cuminzá dia 11 di November, pero pueblo Arubano mester festehá debidamente su dianan di Pasco y Aña Nobo, aunke for di e dianan ey caba, gruponan di carnaval tanto adulto como infantil a cuminzá prepará y organizá pa asina brinda Aruba e mihor Carnaval cu a yega di tin.

Manera ta un custumber Bon Dia Aruba dia tras dia lo mantené su fiel lectoran informá y al tanto di tur e actividad y evento cu tin prepará y a medida cu e dianan pasa, lo organizá pa pone henter e pueblo di Aruba den ambiente di Carnaval, evento pa cual nos ta mundialmente reconocí y afamá. Principalmente nos lo haci honor na e nomber di nos rubrica.

Ban Goza...

Y pa cuminzá di biaha cu nos deber, nos ta informabo cu e grupo di Carnaval infantil, reconocí y premiá, esta "Ban Goza" ya caba ta invitá tur e muchanan cu kier participá tanto den parada di mucha na Oranjestad, Noord, como tambe

San Nicolas pa inscribí den nan grupo cu ta hiba e nomber di "Un biaha tabatin ..."

E grupo ta bao direccion di Agnes Ruiz y Evelina Lacle.

Grupo "Ban Goza" ta celebrando e aña aki nan di promé lustro for di cual nan a sabi di sali cuatro aña consecutivo, e mihor grupo infantil di



personalidadnan di mundo carnalesco a reuní den Papiamento Room di Radisson Hotel pa compañá y yuda Vanja Oduber bautizá su buki "Aruba Carnival". E buki aki ta un tremendo compilacion di un di nos orguyonan mas grandi cual ta e 42 añanan di nos Carnaval, Vanja di un manera excelente a reuní tru informacion relacioná cu e fiesta nacional aki huntu cu un cantidad di potret, esaki sigur ta un buki cu no mester falta den ningun cas na Aruba. 18 capitulo y 120 pagina di informacion y colorido típico di nos carnaval ta conformá "Aruba Carnival".

Ta importante pa remarcar cu e buki aki su realizacion mester wordo gradicí en conhunto cu Fundacion UNOCA, cual a encargá su mes cu e financiamiento necesario. Ministerio di Cultura y KABNA tambe a coopera cu e realizacion.

Durante e ceremonia di bautizo tanto Reinanan Infantil, Hubenil y Grandi, Prin y Pancho, Roadmarch y Calypso Kings y Queens, como tambe Presidente di SAC tabata presente. Vanja a duna un discurso splicando e gran admiracion y respet cu el a adquirí pa e pueblo Arubano y su empeño y dedicacion pa cu e realizacion aña tras aña di un evento cu tin un duracion di mas cu 50 dia. Esaki mester ta un simbolo di su importancia y un gran estímulo pa nos, e pueblo Arubano nunca laga e ambiente di Carnaval muri. Aun mas, ora cu e remarkenan aki ta bin for di un persona extranhero. Tur esnan cu kier adquirí e buki aki, por haci na e siguiente establecimentonan: De Witt Stores, Mariska, Van Dorp, Antraco y na sede di UNOCA. □

Durante luna di December



E foto aki ta ilustrá momento cu un grupo di personalidadnan carnalesco a efectúa e bautizo di e buki "Aruba Carnival" scirbí pa Vanja Oduber. Entre nan por mira Joally Croes, Pancho Geerman y Milo Croes.

